



# იუმორის ტყე- ლი გაზეთი

წელიწადი პირველი.

# შუამავალი

№ 3

კვირა, 29 ივლისი, 1907 წ.

№ 3

კარიკატურებიანი, იუმორისტული, გაზეთი „შუამავალი“ გამოდის ყოველ კვირა დღეს. ფასი წლიურათ—5 მან., ნახევარი წლით—3 მან., ერთი თვით—50 კ., ცალკე ნომერი ყველგან 10 კ. ადრესი: თფილისი, ამხანაგობა „შრომის“ სტამბა. Тип-листь, Типография Т-ва „Трудъ“ для „Шуамавали“.

ფასი განცხადებისა პირველ გვერდზე პეტით 30 კაპ., უკანასკნელ გვერდზე 20 კაპ. რედაქციასთან მოლაპარაკება შეიძლება სამშაბათს, პარასკევს და შაბათს დილის 10 საათიდან 12 საათ. და საღამოს 5 საათიდან 7-მდე. ხელმოუწერელ წერილებს რედაქცია არ ინახავს. წერილები გარკვევით და ერთ გვერდზე უნდა იყოს დაწერილი.

F 3762  
21778  
1880




როცა უნდომნი ბუნტობენ მათრახი და მათი ჯანი...

### გ ბ ფ ი ც კ ბ.

„ოდეს ტურფა გაიფდეს არღა ღირდეს არცა ჩირაღ“ (გაფიცვა და ბოიკოტი დღეს შეგხედება ძლიერ ხწირათ) მაგრამ იმას, მე რომ გეტყვით ჯერ არ უჩანს არსად ცალი, და კი უნდა მომისმინოთ თუა სადმე სამართალი.

არის თურმე აგებული ავათმყოფთა სამოსახლო. გარე მხრიდან რომ შეხედავთ როგორ არის აგებული, უეჭველათ მოიწონებთ გაიხარებს თქვენი გული. მართლაც დღემდე იშვიათად გაგონილა მისი ძვირი, რადგან ბევრმა არ იცოდა შინაგანი გასაკირი. სასახლეა ჩინებული

განიერი და მალალი, მშვენიერი ოთახებით, ბალიც ახლავს კარგი ძალი. ზოგან მამაკაცი წვანან ზოგან ბავშვნი, ზოგან ქალი, ზოგს ფეხი აქვს მოწყვეტილი ზოგს ყბა სტკივა, ზოგსა თვალი. გარეშე კაცს ეს სურათი გააოცებს არა მკირვთ, მაგრამ შიგნით გასაფრთხილ კოტა სმენა შემოწმეთ.



ანდრევის ქუჩის ბოლოს, დიდუბეში, დეპოს ახლო,



რკინის გზა რომ ხაფანგია  
 აღამინათ გასაქცელები,  
 ფაქტები თვით მოგხსენდებათ  
 საჭიროზე გადამეტი.  
 და ვინც ავითგახდებოდა,  
 ბაქოდან თვით ბათუმამდე  
 ფოთის შტოზე, ბორჯომისკენ  
 ტყიბულში თუ ყარსის გზაზე,  
 თითქმის ყველა აქ მოყვდათ  
 ამ სასახლის ფართე ბჭეში  
 და უფასოთ აწვალდებენ.  
 (ასეთია მათი წესი!)  
 ამ ბოლო დროს ჯანაოზებს  
 მოწყინათ მუშაობა,  
 და სასახლეს მაშინათვე  
 შეამჩნიეს უთავობა.  
 ვერ უხვევდენ რიგზე წყლულებს,  
 დროზე არცა გასინჯავდენ  
 და საჭმელს თუ მოიგონებ  
 არც ითქმება თუ რას ჭამდენ.  
 რაღაც წუმბეს მთარმევედენ  
 შიგ ცურავდა მყრალი მძორი,  
 უკაცრავათ პასუხია  
 პირს არ დაჰყოფს არცა ღორი  
 მოპყრობა და სამსახური  
 არც ნახულა ამის გვარი,  
 ზრდილობით და სათნოებით  
 პოლიციის მისადარი.

როგორ ჩნდება „ქარიშხალი“.

პატარა ელენე და ლევანი ბაღში და-  
 სეირნობდენ. მოღრუბლული დღე იდგა.  
 უცებ ქარი ამოიქრა და ბავშვებს მტვე-  
 რი მიაყარა.

— ნეტავ საიდან ჩნდება ეს საძაგელი  
 ქარი? შეეკითხა ელენე თავის ძმას.

ლევანს ჯერ „ბუნების-კარი“ არ შე-  
 ესწავლა, ამიტომ მეცნიერებაზე ცოტა  
 სუსტათ იყო და ქარის გაჩენაც ძველ-  
 ბურათ ესმოდა.

— ქარი დაიკო ასე ჩნდება: ერთ ორ-  
 მოში თურმე ზის ერთი უკბილო და ბო-  
 როტი დედაბერი. როცა ეს დედაბერი ახდის  
 ორმოს სახურავს და დაუბერავს, მაშინვე  
 ქარი ამოვარდება, ხოლო როცა დახურავს,  
 ქარიც ჩადგება.

— რამდენი მტვერი და ნაგავი ექნება  
 პირში იმ დედაბერს, რომელიც ასეთ ბი-  
 ნძურ ქარიშხალს აჩენსო, გაიკვირვა პა-  
 ტარა ელენემ.

— ყოველ შემთხვევაში იმ დედაბერებზე  
 მეტი არა, რომლებიც ჟურნალ „ქარიშ-  
 ხალს“ აკეთებენო, მიუგო ლევანმა.

როგორი პასუხია?

მ.

თ ვ ი ლ ი ს უ ი.

ჩვენს ქალაქში არ ეტევა  
 გამომცემელ-რედაქტორი,  
 თუმცა შორე ციმბირშიაც  
 იგზავნება დღეში ორი.  
 სტამბები რომ არ გაჩხრიკონ  
 არ გაივლის ისე სწორი;  
 მალე-მალე გვინახულეპს  
 ჟანდარმი და ინსპექტორი.  
 გაზეთებში იბეჭდება  
 სიაბდლე და ბევრი ქორი,  
 ისე მტრობენ მართალ სიტყვას  
 ვით თავეს — კატა, წიწილს — ქორი.  
 არტისტები დაგვიგლახდენ  
 დადის საწყლათ ერთი-ორი,  
 წარმოდგენებს ვინ გამართავს  
 გაგვიმრავლდა პროექტორი.

დღეს ეს მცირე დავიჯეროთ  
 მალე მოვა დღეისწორი ..  
 მაშინ უფრო ვრცლად გიამბობთ  
 თუ არ გაწყრა რედაქტორი.

გურიანთელი.

ახალი ამბები.

დ. ხონიდან გვწერენ: „დღეიდან ყო-  
 ველ კვირა საღამოობით ხონის ბაღში  
 გაიმართება სეირნობა — სირბილი. მონა-  
 წილეობას მიიღებ ადგილობრივი მცხოვ-

რები (მოსულებსაც შეუღლიათ მონაწი-  
 ლეობის მიღება, მხოლოდ იმ პირობით,  
 რომ უნდა ირბინონ). სირბილის დროს  
 მოწაფეების ძლიერი რაზმი „პაგრომს“  
 მოახდენს.

იქიდანვე გვწერენ: კვირას 5 აგვის-  
 ტოს ხონის ადგილობრივ ეკკლესიის გა-  
 ლავანში გაიმართება ცნობილ ფალავანე-  
 ბის ჭიდაობა. მონაწილეობას მიიღებენ  
 ადგილობრივი მღვდლები. გალავანში შე-  
 სვლა აკრძალულია, ხოლო გარედან ჭვრე-  
 ტა ყველას შეუძლია.

— ცნობილმა ფსიხოპატმა აკობიამ კვ-  
 ლავ დასტამბა ერთი სისულელე: „სო-  
 ცილ დემოკრატიამ მოატყუა გლეხები“.  
 ამით აკობიას განზრახვა აქვს, მკითხვე-  
 ლები მოატყუოს.

— როგორც გურიიდან გვატყობინე-  
 ბენ, იქ ერთ სოფელში დაუტუსაღებიათ  
 50 თავი სამკითხველოში კრებების გა-  
 მართვისთვის.


ბათუმიდან შემდეგ გვატყობინებენ:  
 ბათუმის ქართველი მკითხველი საზოგა-  
 დობის ნაწილი, (გარდა მუშებისა) მაგ.  
 ვაჭრები, მეღვინეები, მიკიტნები, მეთი-  
 ვეები, მეეტლეები, მეშეშეები-მეფიცრეე-  
 ბი, მეხილეები, მებაღეები, მეჩქმე-მეწა-  
 ლეები, თერძები მექუდეები, მეყასბეები  
 და სხვ. და სხვა და სხვა აპირებენ ამ  
 დღეებში გაფიცვის გამოცხადებას, რომე-  
 ლიც იქნება მიმართული ქართულ ჟურ-  
 ნალ-გაზეთების და წიგნების წინააღმდეგ,  
 ე. ი. მათ გადაწყვეტილი აქვთ, ჩვენ  
 მწერლობას სასტიკათ ებრძოლონ. არც  
 გამოიწერონ და არც იყიდონ და წაიკით-  
 ხონ. ამბობენ, ჩვენ ერთობამ დაგვაქციაო  
 და ქართულ გაზეთებში მაინც არ ანებე-  
 ბენ თავს ერთობაზე წერასო. აგრეთვე  
 მათი მოთხოვნილების ერთი მუხლი ასე  
 ამბობს: „ჩვენ მოვითხოვთ, რომ ეხლან-  
 დელი ჟურნალ-გაზეთები, სულ მოისპოს  
 და მის ნაცვლად გამოიცეს მხოლოდ ერ-  
 თი გაზეთი, რომელშიდაც იქნება დაცუ-  
 ლი ძველი რეჟიმის ინტერესები და რო-  
 მელიც ეცდება დაუბრუნოს ხალხს ძველი  
 ბატონ-ყმური უფლებები.“

ს ი ქ ღ ე რ ა.

„ჩემს ქმარს კი დაუდგეს თვალი“  
 იძახოდა ერთი ქალი.  
 „ვეხვეწე და ვერ მიყიდა  
 „შეამავალი“ ერთი ცალი“.

რედ. შენიშ.: მართლაც ახი არის ქმარზე  
 ვითომ რისთვის შედგა ვარზე!  
 უსადთუნის გადაგდება  
 შიმშილს არ მაუყვანს კარზე.  
 უ.

ეშმაკი.





ს რ ი ვ ი ნ ც ი ა.



**დ. სამტრედია.** სწორედ ახირებული დაბაა ჩვენი სამტრედია! ხშირათ ისეთი ამბები ხდება აქ, რომ გასაოცარია. წარმოიდგინეთ იმდენათ გაზარმაცდა გლექ-კაცობა, რომ ამ რამდენიმე დღის წინათ ასამდე კაცი სატუსალოში გადასახლდა, აქაო და ყანის მუშაობას და სიცხეში ყოფნას ციხეში ჯდომა ჯობიაო. „საკვირველ არიან გლექნო სამტრედიისანო საქმენი თქვენნი!“ ამ გარემოების წყალობით ადგილობრივი ადმინისტრაციაც შესდგომია გლექების ძებნას ყანებში, მაგრამ ვერსად ვერაფერ ვერ უნახავს. ბოლოს გაუჩხრეკიათ ნაკაშიძის ველი და ოცდა ხუთამდე ოთხფეხი პირუტყვი დაუტუსალებიათ.

ბარაქალა.



**დ. ხონი.** ხონელმა, რომ ხონური ხრიკი არ ქნას და რაღაც გასაოცარი რამ არ მოიგონოს ყოვლად შეუძლებელია. ეს სრული ჭეშმარიტებაა. ასეც მოიქცენ აქაური ვაჭრები. ქალიშვილები რომ შინ არ დამჩაფებულყვენ ისეთი საშუალება მოიგონეს, რომ სტუდენტებს აბამენ თოკებს. გადასწყვიტეს ქალიშვილები უსათუოთ სტუდენტებს მიათხოვონ. შითვით, ხორაგის გარდა, 4000—7000 მან. აძლევენ (აბა ვინ პირშავი სტუდენტი გაუძლებს ამას?) ეს გადაწყვეტილება უკვე გატარდა ცხოვრებაში... ორი სტუდენტი „გაბედნიერდა“... ვურჩევთ ხელმოკლე სტუდენტებს გამოეშურონ ხონისაკენ. მაჭანკლობას ერთი მჭევრმეტყველი დიპლომაინი ეწევა, სასყიდლოთ 10%-ს იღებს, მარა საქმეს უეჭველათ აკეთებს. მისს აღრესს ხონში გაიგებს.

№ 1.

სოფ. ხუნევი.

ჩვენი სკოლის „აპეკუნი“ ჩიმაკაძე „სმოტრიტელი“ ვებრძვით, გვებრძვის, გვებრძვის ვებრძვით არ გავიდა არაფელი. ვიშორებთ და არ გვშორდება ჩვენ არ გვინდა, მას უნდვიართ, ერთმანეთის მომდურავი დღეს ც ვგრე ერთად ვზივართ. არკი ვიცით თუ რადრომდის გაგრძელდება ეს „ერთობა“. ჩიმაკაძე რომ არ ყავდეს, ხუნევი თუ მოესწრობა!

ხუნევი.

**სურამი.** განა ღმერთს სად დაეღვეა ბნედიანი და აბდალი... ერთი „პარკი“ გაგვანია მუდამ დღეა შიგ სკანდალი.

ექვსი სული მეფანდურე, იუნკრების ტლინკაობა, ლოტო, კარტი, მუშტი-კრივი, აი ჩვენი დროს გართობა.

სამკითხველოს ვერსად ნახავთ, რაგინდ ბევრი იფაფხუროთ, მაგრამ ცოდვით ჩაგვეთვლება სიბინძურეს დავემდურეთ.



**მინაილოვი.** რაღაცა შემთხვევით დეპოს უფროსი დღეს არ დამთვრალა და მუშები ძლიერ გაკვირვებული არიან.



**ლანჩხუთი.** ჩვენი ბოქაული დალაქათ დადვა. კრეჭა წინეთაც კარგი იცოდა, მაგრამ ახლა მოლოდინს გადააქარბა.



**ჭიათურა.** ჭიათურის ნამესტნიკი ბ-ნი კედია მესამე ღუმეში აპირებს წასვლას. ჭიათურლები დიდი სიამოვნებით მისცემდენ ხმას მისი თავიდან მოშორება რომ შეიძლებოდეს.



**ზუგდიდი.** ადგილობრივმა ადმინისტრაციამ შენიშნა, რომ ერთი ადგილობრივი ახალგაზრდა ყმაწვილი მუდამ თავ ჩაღუნული დადიოდა. საიდუმლო დაზვერით გამოიკვია, რომ ახალგაზრდა ფიქრობდა და რადგანაც ფიქრი სამხედრო წესების მოხსნამდე აკრძალულია, ყმაწვილიც დაიჭირეს. რომელ გუბერნიაში, ან რამდენი წლით გადასახლებენ ჯერ არავინ იცის.



**ქუთაისი.** ქუთაისის ადმინისტრაცია 500 მანეთს პირდება იმას, ვინც იმ პარკს აღმოაჩენს, რომელითაც ზაქარია გურული გაიპარა ციხიდან.



**ასკანა.** მამა სარ. ჯინჯარაშვილის თაოსნობით დაარსებული „ბრძენთა კავშირი“ სახელმწიფო ღუმეში თავის კანდიდატებს დაასახლებდა, კავშირი რომ ბრძენთა უყოლობისა გამო არ დაშლილიყო.



**ბასილეთი.** როცა ასკანაში „ბრძენთა კავშირი“ არსდებოდა, ბასილეთმა „თავდაზნაურ მღვდელ-მონაზონთა კავშირის“ დაარსება განიზრახა. მეთაურები: გერ. მეგრელიძე, ევტ. გოგბერძენი და ოტსტაფნი სალდათი გიორგი ჯაში, დღესაც მეთაურები არიან, მაგრამ პარტიამ დაბადებამდევე თქვენი ჭირი წაიღო.



**ჩიბათი.** „კუონიების რაზმს“, როგორც ამ ბოლო დროს გამოიკვია, გჭდაუწვევტია: თითო ძირი გვიმბრა, მათ მანულში მოქრილი, წიფლის ან წაბლის ხეთ უანგარიშონ გლექნებს. საზოგადოთ რაზმი მშვენიერს მდგომარეობაშია. ამბობენ მალე ყველას სტრაჟნიკის ჩინში აღამალლებენო.



ბაკურიანი.

„თავზე წვიმა—ფეხზე ფუნა“ აი ბედმა რა გვარგუნა. კიდევ კარგი, რომ ბუნებამ უკულმა არ შეაბრუნა. მუდამ ნისლი და ტალახი გაიყინა, დაღმა ხალხი, პატრონი რომ გვივარგოდეს სწორეთ კი ვართ გასაღახი. ჯერ არ გაღირსებენ არცეთს აღარც ჟურნალს, არცა ვაზეთს, და თუ სადმე გაეკარი, სამ წილ თასსაც გამოვართმევს. „თავზე წვიმა—ფეხზე ფუნა“ განგებამ ჩვენ ეს გვარგუნა, და მადლი ღმერთს, მადლი უფალს! უკულმა არ შეაბრუნა.

მ.



პატარა ცემი.

პატარა ცემელ „შტაფნის“ დიდი სკოდნია ქორები. არ მოასვენა, არ იქნა ახალციხელი ჯორები. არ ვიცით აზრათ რა ჰქონდა, რათ შეირცხვინა პირიო, ვაზეთი მოგვიტყუილა და ამას უფრო ვსტირიო.

გამვლეი.



**ს. აცანა.** როგორც მკითხველებმა იციან ამას წინათ ს. აცანაში ბოქაულ მიქიაშვილს თავს დაესხენ და ერთი დარაჯი მოკლეს. მაზრის უფროსის ბრძანებით მორეკეს ოთხი სოფლის ქალები და უბრძანეს იტირეთ მიცვალებულიო, ბრძანება აასრულეს (მაშ რა უნდა ექნათ?) და შეიქნა კვილ-ჩხივილი და თავში ცემა. ყველა ქალებში ერთი ხნიერი დედაკაცი ერჩეოდა. ის იწყებდა ტირილს და სხვები ბანს აძლევედენ. დედაკაცი ასე მოსთქვამდა:

„ძმაო რუსო, ძმაო რუსო!

რათ გიტროო, რომ არ მსურსო!“

უფროსმა იკითხა კარგათ თუ სტირია-ნო. „კარგათ სტირიან, მაგრამ სახელი არ იციან და რუსს ეძახიანო“ იყო პასუხი. უფროსმა აუხსნა, რომ ჩვენ ყველანი რუსები ვართ, ხოლო მაგას ივან-ანტონიჩს ეძახ-





დენო. ახალი ბრძანება ფიცხლოვ გადას-  
ცეს დედაკაცებს. ხნიერმა დედაკაცმა ახ-  
ლა ასე დაიწყო მოთქმა:

„ძაო ივან ანტონიო

რა გაუძღვებს ამდენ ჭირსო“;

დანარჩენი ქალები გუგუნით ბანს აძ-  
ლევდენ. ყველა კმაყოფილი დარჩა ასე-  
თი ტირილით.

კიდევ ტარტაროზი.

ერთი კაცი.

ერთი კაცი, წითელ წვერა,  
ქუჩის ყურას გაიძვერა,  
დალიოდა აქეთ-იქით  
ვერ ამჩნევდენ მისი ფიქრით.  
ხან ვაგონთან მიდიოდა  
თითქო სადმე მიდიოდა...  
ხან გაზეთსაც ყიდულობდა  
თითქო რასმე კითხულობდა.

აზრები რომ მოეკრიფა  
ხელი გულზე დაეკრიფა...  
არ რჩებოდა მიმავალი  
მას არ გადაევიო თვალი.  
ზოგის ბარგსა შეუჭვრეტავს,  
ზოგს გაზეთში ჩაუხედავს...  
და ზოგს პირზე ატყერდება  
სულელღვივით გაჩერდება.  
ზოგჯერ შეგ-ბლოზიან ბიჭებს  
შორიდან ხელს მიუთითებს.  
ზოგჯერ სადღაც გაფრინდება  
თუმცა მალე დაბრუნდება.  
არც პატარებს, არცა დიდებს,  
თვალს არავის მოარიდებს.  
სულ ერთია ქალი, კაცი,  
ჭაბუკი და ბერიკაცი.

აი, ვილაც დაიხელა...  
აედევნა როგორც მელა!  
შორი ახლო უტრაალებს  
არ აშორებს ოდნავ თვალებს.  
აი, გადაუხვევს მგზავრი...  
უკან მისდევს საზიზღარი...  
ურცხვი არის იმისთანა,  
რომ მიჰყვება ბინასთანა.

აღებს მგზავრი ეზოს კარებს  
და ოთახს თავს შეაფარებს.  
წვერ-წითელა ეზოს ზვერავს  
ბინის ნომერს ჩაიწერავს  
ბოლოს, შრომით მოქანცული,  
თანაც სახე მხიარული,  
დაბრუნდება ქუჩის ყურათ  
და წანწალებს ძველებურათ.

II

შვალამეა. ცნობილ ბინას  
ბნელი ბურავს. ყველას ძინავს.



უჰ! უჰ! ცხელ ცხელი ნომრები! აბა! ქუჩაში ჩქარა!

უცებ ირეკება ზარი  
და შემოდის მთელი ჯარი.  
როგორც კაცებს, ისე ქალებს,  
ყველას შიშით აკანკალებს,  
პოლიცია ბინებს ჩხრეკავს  
ქათამივით გადაქეპავს.  
ვერ იპოვებს ვერაფერი,  
ველარც მგზავრი დასაქერი;  
და დაბრუნდენ უმაღურნი  
ჩამოეშოთ დაბლა ყურნი.

III

სადაც გუშინ ედგა მახე,  
წვერ წითელა დღესაც ვნახე...  
კვალად მგზავრებს გადაჰყურებს  
და მათ ცოლშვილს დაიპურებს.  
მა.

„ანტიქრისტე“

ჩვენი მკითხველი საზოგადოთ სახუმარო,  
გასართობ საკითხავზე გვეყავს დაჩვეული  
და აი რუსული გაზეთიდან ამოვიღე ერთ-  
თი ფრიად გასართობი ამბავი, იმის შესა-  
ხებ თუ როგორ მოჰკლეს „ანტიქრისტე“.  
ამბავი ესე რუსეთში მოხდა, სოფელ სი-  
სოვეში, სადაც ცხოვრობდა ვინმე გლეხი  
მიხაილ ტიხონისძე კოლჩევესკი. აღნიშნულ  
მეხაილს მთელი სოფელი დიდი ხანია  
„ღვთის კაცად“ იცნობდა. სოფლელები  
ყველაფერს უჯეროდენ კოლჩევესკის და  
ამასთანავე დიდ კოდნის პატრონ და გა-  
ნათლებულ კაცათაც სთვლიდენ. „მი-  
ხაილ ტროფიმიჩი ამ ქვეყნიური არ არი-  
სო“ ამბობდენ მორწმუნე გლეხები და თუ

ვისმე რამე გაუჭირდებოდა, მასთან გარ-  
ბოდენ რჩევა დარიგებისათვის.

მიმდინარე წლის 16 ივლისს, მიხაილ  
კოლჩევესკიმ დაიბარა სოფ. სისოვეის  
მცხოვრებნი და გამოუცხადა მათ, რომ  
მან საკვირველი სიზმარი ნახა. „მე ვილა-  
პარაკე ღმერთ-ანო“ არწმუნებდა ხალხს  
-ღვთის კაცი“ და ღმერთი შემპირდა: წი-  
ნასწარმეტყველათ გაქცევ თუ შენ, კოლ-  
ჩევესკი, ანტიქრისტეს მოჰკლავ შენი ხე-  
ლითაო.

— იცით რატომ არის ჩვენ ქვეყანაზე  
მუდამ შავი დღე და უბედურობა? იცით  
რისთვის არის მუდამ მოუსავლობა და  
შიმშილობა, მუდამ ცეცხლი და განადგუ-  
რება? იცით რატომ ვართ ჩვენ უბედურ-  
ნი? ეს იმიტომ, გაცხარებით ამბობდა  
კოლჩევესკი, რომ ჩვენ სოფელში, ჩვენ  
შორის ცხოვრობს ანტიქრისტე. აი სად  
არის წყარო ყოველგვარი ბოროტებისა და  
უბედურობისა. ის, ის ანტიქრისტე უნდა  
მოვკლათ, მაშინ მე გარდავიქმნები წი-  
ნასწარმეტყველათ და მოგივლენ თქვენ  
ზეციურ მანანას; მაშინ მოედება ბოლო  
ყოველგვარ უბედურობას და იცხოვრებთ  
ბედნიერათ.

ამის შემდეგ „წინასწარმეტყველმა“  
აუხსნა ხალხს, რომ ანტიქრისტე განხორ-  
ციელდა ერთი სოფლელი ბავშვის სახით  
და თუ დღეს სადამოს რვა საათზე ჩვენ  
იმას მოვკლავთ, მაშინ მე კოლჩევესკი და-  
ჯდები სახლის სახურავზე, ჩემზე გადმოვა  
ნათელი, გავბრწყინდებ-გავსპეტაკდები რო-  
გორც მზე, როგორც თოვლი და ავმადლ-  
დები ზეცადო.

ამ დღიდან სოფ. სისოვეის გლეხებს



სულ სხვაგვარი ბედნიერი ცხოვრება დაგეწყებათო...

კოლჩევის ძლიერ ენდობოდა მთელი სოფელი და მისმა სიტყვებმა შესაფერი გავლენა იქონია ბნელ ხალხზე. ხალხი აღელდა, სისხლი მოსწყურდა...

— დაგვისახელე ბავშვი და ჩვენ გდმოგცემთ იმასო, დ იგრილა გონება და ბნელებულმა ბრბომ.

კოლჩევიმ წაიყვანა 30 გლეხი და მიაღდა გლეხ ემელიანე გრობაჩევის ქოხს. გრობაჩოვს ყავდა ერთად ერთი ორი წლის ვაჟი მიშა, სრულიად ნორმალური და ცოცხალი ბავშვი.

ანიშნა რა ბავშვზე კოლჩევიმ დინჯათ წარმოსთქვა:

— ყრმა ესე არს ანტიქრისტე...

შემდეგ ჩამოართვა მამას ბავშვი, რადგანაც მამა დასთანხმდა შვილის მსხვერპლათ შეწირვაზე, მოუწოდა ბავშვის დედას, მარია გრობაჩევისას და მოსთხოვა ეჩვენებია ის ადგილი, სადაც ბავშვი დაიბადა.

დამწუხრებულმა დედამ შეასრულა სისოვეელი „წინასწარმეტყველის“ სურვილი და უჩვენა ადგილი.

„წინასწარმეტყველმა“ დააწვინა ბავშვი აღნიშნულ ადგილას პირქვე და შესდგა ზედ ფეხებით.

15 წუთის ტანჯვის შემდეგ „ანტიქრისტე“ ცოცხალი აღარ იყო! პატარა მიშა დაახრჩვეს.

მაგრამ „ღვთისნიერი“ კოლჩევისკი არ დააკმაყოფილა არც ამ სიმხეცემ. მან ოცჯერ კიდევ დაჰკრა თავში დამხრჩვალ ბავშვს მძიმე ჩაქუჩი.

შემდეგ უბრძანა ბავშვის გვამი შუაზე გაეხლიჩათ.

როდესაც ეს სურვილიც დაუკმაყოფილეს სისოვეელმა მხეცებმა, კოლჩევიმ აიღო ცული და თითოეული ნახევარი პატარა მიშასი კიდევ ოთხ-ოთხ ნაწილათ დაკება. თან რაღაცას გაუგებრათ ლოცულობდა.

ყოველივე ამის შემდეგ „წმინდანმა“ მოაგროვა ბავშვის ნაჭრები, ჩაჰყარა „ქურჭელში“, ეს უკანასკნელი მოაბა ცხენს კულზე, თითონ „წინასწარმეტყველი“ ცხენზე შებრძანდა და ხალხის თანხლებით, ანთებული სანთლებითა, ნიკოლოზ სასწაულთ მოქმედის ხატით, და საეკლესიო გალობით გაემართენ სასაფლაოსაკენ „ანტიქრისტეს“ დასაკრძალავათ.

ყველა ეს სიმხეცე, ეს ველური ბარბაროსობა თითქმის გათენებამდე გაგრძელდა.

წმინდანმა უბრძანა გლეხებს წასულიყვენ დასაძინებლათ და საღამოს რვა სა-

ათზე დაბრუნებულიყვენ მასთან სასწაულის სანახავათ, თუ როგორ გაბრწყინდება, როგორ თოვლივით გასპეტაკდება სახურავზე მჯდომარე კოლჩევისკი და როგორ ამაღლდება ის ზეცად.

გლეხებს არ ეძინებოდათ და ან კი რა დააძინებდა ასეთი სასწაულის მოლოდინში. ყველას ზედმეტი მღვლევერება და მოუთმენლობა ეტყობოდა. ყველანი გულის ფანტაზიით უცდიდენ დანიშნულ დროს.

საღამოს რვა საათიც შესრულდა! ყველანი კოლჩევისკისთან გამოცხადდენ, მაგრამ ხალხის სახურავზე არავინ არ აღმოჩნდა. კოლჩევისკის მშვიდათ ეძინა ოთახში, მძიმე შრომით მოქანცულ-მოწყვეტილსა...

ის მაშინვე გააღვიძეს.

— შენ ეი! გვატყუილებ? მრისხანეთ დაიგრილა ხალხმა.

ნამძინარემა და გონება აბნეულმა „წინასწარმეტყველმა“ დაიწყო ბუტბუტი, რომ აქ რაღაც შეცდომა მომხდარა;

— საქმე იმაშიაო, ამბობდა კოლჩევისკი, რომ ვიდრე ბავშვს მოკლავდით მღვდლის ნებართვა უნაა აგველო და სხ.

— მაშ რატომ დაგვალუბიე ეგრე უღანაშაულო ბავშვიო, დაიგრილა ხალხმა და გააფთრებით დაუწყო ცემა წელანდელ სათაყვანებელსა და „ღვთისნიერ“ აღამიანს.

საქმე უეჭველათ მეორე სიმხეცით გათავდებოდა, რომ შემთხვევით ბოქაულის არ გაველო და ყვირილის ხმაზე გლეხებთან არ მოსულიყო.

სოფლელებმა აუხსნეს ბოქაულის საქმის გარემოება თავიდან ბოლომდე.

„წინასწარმეტყველი“ მაშინვე დაატყვევეს, ხოლო საქმის გამოსაძიებლათ მოიწვიეს პროკურორი.

დააქირეს ყველა სახლის პატრონი მთელ სოფელში, რიცხვით 32 კაცი, (მათ შორის ერთი ღრმა მოხუცებული 102 წლის) მონაწილე ამ მხეცური ცრუმორწმუნობისა.

20 ივლისს „წინასწარმეტყველი“ ქ. დუბროვინაში მოიყვანეს გამომძიებელთან. ის 23 წლის ახალგაზდაა, მაგრამ შეხედულობა უფრო ხნიერი კაცისა აქვს. გრძელი ლამაზი თმა, დიდრონი მოუსვენარი თვალები და ინტელიგენტური სახე კოლჩევისკისა, რაღაც განსაკუთრებულ შთაბეჭდილებას ახდენს მნახველზე.

ხურას უკაცრავათ მკითხველთან თუ ეს ამბავი იმდენათ გასართობი არ გამოდგა, როგორც ეს მოსალოდნელი იყო. მაგრამ მიუხედავად ამისა ის ჩვენთვის უსარგებ-

ლო არ იქნება თუ გავისხენებთ სამეგრელოში გამოჩენილი „წმინდანი“ ილია კირთაძის ონებს. ჩვენი ხალხი თუმცა უმწვერვალესათ განათლებულია, მაგრამ „წმინდა მიკატანის“ საწინააღმდეგო არაფერი არა აქვს.

მართალია ილია კირთაძეს ჯერ არაფერი ჩაუდენია ასეთი სმშიშარი, როგორც სისოვეელი „წინასწარმეტყველის“ ნამოქმედარია, მაგრამ ვინ იცის შემდეგში რა იქნება და ამისათვის უმჯობესია კირთაძე ისევ ძველებურ ვაჭრობას დაიწყებდეს. მისი წმინდანობაც ერთგვარი ვაჭრობაა, მიკიტნობაზე უფრო ადვილი და სარგებლიანი, მაგრამ ამას ხიფათიც უფრო ხშირი და საშიშარი ახლავს თან: №

გაზეთების ბედ-იღბალი.

ქაზარაკშია ჩვენი პრესა მოუჭირეს, გაიღესა, და თუ ასე შეაწუხეს სულსაც დაღვეს ხეალ თუ დღესა.

ვთქვათ დაბეჭდა კარგი რამე, აღარ სძინავს მთელი ღამე და არ იცის: როდის მოვა მოუწვეველ სტუმართ ხროვა.

ვინ დაგიღვეს შენს მკითხველებს სტამბას ხელათ შეგითხელებს, ხოლო სიტყვა თუ აკადრე ცემით ზურგსაც შეგიცხელებს.

შრიფტს ტომრებში მოუქცევენ უჩასტკაში წაათრევენ, თუ არა გაქვს კარგი ბედი მეტეხია შენი ხვედრი.

გამოეცი, ვსთქვათ, ახალი...

ვაი შენი ჯიბის ბრალი !!

აღარ გარგებს ყაირათი დაგედება ქვეყნის ვალი

ამა ყოფის შემხედვარე

განზე გადის მტერ-მოყვარე...

რჩები მარტო ვარიყული უფულო და გულ მწუხარე.

სტამბის აღა ისე შიშობს

სათოფეზე არ მიგიშობს

მევალე კი!!! ოჰ, მევალე!!!

გაწამებს და სისხლს გაგიშრობს.

აგენტი კი ვასაქირში

ჩაღას გამოგაველებს პირში,

და იმისი „თამასუქი“

უნდა შეინახო სკივრში.

ცდილობთ ისევ ავთ-კარგათ,

არ შეიქნა მუქთა ბარგათ,

მაგრამ ხშირათ არც კი იცით

ახალ გაზეთს რა დაარქვათ.

თუ იყო რამ სავარგისი ყველა გახდა ბეჭდვის ღირსი,



უკვე იყვნენ ხმარებაში და გასწირეს თავი თვისი.

თუ კი თქვენში ნამუსია წაიკითხეთ მათი სია.

და ნახავთ რომ წამებულებს მთელი გვერდი აუშისია.

ქართულ გაზეთების თვალი, პირველია მათში „კვალი“ შემდეგ „სხივი“, „განთიადი“

„ელვა“, „ტალღა“ და „გრიგალი“.

მართალი ვსთქვა ყველა ჩვენებს აბა აქ ვინ მოიხსენებს?

და კავშირი თუ შეგვწყამეს. ბატონი არ მოგასიყენებს.

ეშმაკი.

მუშათა ცხოვრება.

**ბათუმი.** ბათუმის სატუმროების, სამიკიტნოების და სარდაფების მოსამსახურეთა გაფიცვა, რომელიც ერთ წელს გაგრძელდა გათავდა. გაფიცულები მოურიგდნენ ხაზინებს შემდეგ პირობებში იმუშაონ: 1) სამუშაო დღე 24 საათი (მუშაობა ძნელი და აუტანელი) 2) ალექრძალა მოსამსახურებს ავთ გახთობა, წინააღმდეგ შემთხვევაში ქუჩაში ისტუმრებენ წმინდა ჰაერის ჩასაყლაპავათ. 3) იმ მოსამსახურეს, რომელსაც 15—20 წელიწადი უმუშავენია ნება ეძლევა წელიწადში ერთხელ შინ წავიდეს, გარდა 36 წლისა, 4) ხაზინებს ნება ეძლევათ 4-5

წლის ბავშვი იმსახუროს 15 წლამდე მუქთათ. 5) მყრალი ნესტიანი და ბინძური ოთახი მოსამსახურეებისათვის. 6) როცა მოსამსახურეს ჭუჭუი შეაწუხებს, ხაზინს ნება აქვს ვირის აბანოში გაგზავნოს. 7) მოსამსახურეებს ნება არა აქვთ რაიმე კავშირი შეკრან თავიანთ შორის, აკრძალული აქვთ აგრეთვე თავიანთ შორის მოლაპარაკება.

ამ გვართ ბათუმის ტრაქტირ-რესტორანების მოსამსახურეებმა საბოლოოთ გაიმარჯვეს.

Monsieur.

დ ე ზ ე შ ე ბ ი.

კავკასია

**ჭუთაისი.** „წამწყმიდა წახედულობამ“ თფილისის მიხედვით აქაურმა აზნაურებმა ც განიზრახეს სათავად-აზნაურო „გოდოლის“ აგება გიმნაზიისათვის. მშვიდობით სტევენდიებო!

**სოხუმი.** ჩვენმა ქალაქის თავმა უკვე მოათავა ზუგდიდიდან სოხუმამდე რკინის გზის გაყვანა და ახლა „პროექტი“ წარუდგინა გამგეობას იალბუზზე ფუნიკულერის აყვანის შესახებ. ამ საქმის მოწყობას გურიის მეაბრეშუმეთა ამხანაგობა „შუამავალი“ აპირობს საკუთარი თანხით.

**ფოთი.** ნიკოლაძეს განუზრახავს ფოთის ბუხტი ან ორპირში და ან კოპიტ-

ნარში გადმოიტანოს. ამ მიზნით გაემგზავრა პეტერბურგისაკენ.

**ბათუმი.** ბათუმის ქალაქის თავს თავის დასაბანი წყალი ვერ ეშოვა და კინალამ დაეჩქარებია ახალი წყლის მიღების კეთება.

**ოზურგეთი.** ჩვენს ქალაქის თავზე აკრძალულია რისამე წერა და ფეხები ვისთვის არის საინტერესო. ოზურგეთში ორგვარი ციხეა. ერთი პატარა, რომელშიაც დაჭერილები სხედან, ხოლო მეორე დიდი, რომელსაც თითონ დამჭერლები ვერ გადასცდებიან.

**ბაქო.** ყველა ჭები გაჩხრიკეს და მხოლოთ ერთში აღმოაჩინეს დამხრჩვალი ინჟენერის გვამი.

რუსეთი.

**სამარა.** სამარის გენერალ-გუბერნატორმა, მისდამო რწმუნებული გუბერნიის გასაწმენდათ, განკარგულება გამოისცა ყველა ხოლერით ავადმყოფი სხვა გუბერნიაში გადასახლოს ადმინისტრაციული წესით.

**სიმზირსკი.** ადგილობრივმა გენერალ გუბერნატორმა სასტიკათ აუკრძალა ხოლერის ბაცილებს მისდამო რწმუნებულ გუბერნიის საზღვრებში შემოსვლა. წინააღმდეგ შემთხვევაში სასტიკი სასჯელით ემუქრება.

**ნიჟნოვოროდი.** მაკარიევის იარმარკის დასათვალისწინებლათ ახლო მომავალში ქ-ნ ხოლერას მოვლიან და ვაჭრებს დიდი მზადება აქვთ.

**ალესა.** გრაფ კონოენციის „რაზმმა“ პანაშვიდი გადაიხადა გენერალ ყარანგოზოვის სულის მოსახსენებლათ. პანაშვილის შემდეგ გაიმართა საცდელი ვარჯიში პოგრომებისა ებრაელთა უბანში.

**კიზინევი.** ქრისტიან-სოციალისტი კრუშევანი პარტიის წევრობიდან გამორიცხეს „ქეშმარიტმა“ ხულიგანებმა, რადგან „ცოტაოდენი“ პარტიის ფული გაეფულანგა.

**სამხატვროლი.** სიმონოვის სახლში აფეთქების დროს ბოქაული და უბნის ზე დამხედველი კინალამ დაშავდნ.

უცხოეთი.

**პარიში.** განათლებული საფრანგეთის ჯარი შევიდა მაროკოში და 160 კაცი ხიშტებით დახვრიტა. პარიში დიდი დღე სასწაულია ამ გამარჯვებისა გამო.

**ბერლინი.** გერმანიის იმპერატორმა შესანიშნავი რეჩი სთქვა სვინემიუნდში. „მსოფლიოს საქმეები რიგზეა ჯერჯერობით და დავიშალოთო“.

**ბააბა.** სამშვიდობო კონფერენციამ მილოცვის ბარათი გაუგზავნა მაროკოში შესეულ ფრანგის ჯართა გენერალს, ხალხთან ლმობიერი მოპყრობისათვის, რაცა



Patels

უფალოოო შეგვიწყალენ!



160 კაცის დახვეწაში გამოიხატა.

**ლონდონი.** ლორდთა პალატამ ძლიერ მოიწონა ინდოეთის რაზმის მოქმედება და რევოლუციონერთა წინააღმდეგ მიღებული ზომები.

**სტამბოლი.** სულთანმა ჯარი გაგზავნა სპარსეთში კონსტიტუციის წამოსადგობათ. გზა და გზა ჯარმა მხოლოდ რამოდენიმე სოფელი გაანადგურა.

**სეული.** კორეის იმპერატორი დაეკარგა. სად წავიდა, რა დამართა, ვერ გაუგიათ. ამ გარემოებამ ძლიერ დააღონა იაპონელები.

**პეკინი.** ჩინეთის ბოგდინხანმა აღთქმა დაუდო თავის ქოჩრიან ქვეშევრდომებს, რომ ათასი წლის განმავლობაში უქველათ შემოვიდნენ კონსტიტუციას და ახლა თქვენ ემზადეთო. ხალხი ხელმწიფის მორჩილი გამოდგა და მზადება დაიწყო. ერთი გუბერნატორი უკვე მოკლეს ყუმბარით.

უცხო სიტყვების ახსნა.

(იხ. „შუამავალი“ № 1)

**თფილასი**—ბრძოლის ველი, რომელზედაც პირველათ დამარცხდა მძლეთამძლე „დაშნაკციუტუნი“; შანტაჟისტთა საბუდარი.

**თეირანი**—რევოლუცია, რომელსაც კბილთა ღრჭენით უყურებენ ევროპის სახელმწიფოები.

**თაფი**— მთავრობის „კერძო საკუთრება“, რომელიც როგორც „წმინდათა წმინდა“ ხელშეუხებელია, რუსეთის ყველა მოქალაქისგან, გარდა „ქეშმარიტ რუსთა“.

**თუთაყუში**—სამრევლო სკოლების მოწაფეები.

**თრეკა**—საპოლიციო ნაწილში მისვლა.

**თაფლი**—გლეხების და მუშების მოსატყუებელი პოლიტიკური წამალი.

**თედო**—ქართულათ, რომ „გადმოვასადუნოთ“ ნიშნავს „გადმოსასადუნებელ“ ლექსიკონის ავტორს; ან და სამრევლო სკოლების საეპარქიო მეთვალყურის მიერ „დანოსების“ წერას.

**თელვა**—პოლიციურ ენაზე ნიშნავს მოფერებას.

**თეატრა**—ქართულ დრამატიულ საზოგადოების სალაყბო საგანი.

**თათი**—ჯიბგირის სამუშაო იარაღი.

**ილაგო**—გულის ასარევი წამალი.

**იგუნა**—ილიას ნაშთი... მერე კიდევ ფილიპეს ნაშთი... სამშობლოსთვის თავდადებული გაზეთი.

**იანა**—პოლიტიკური ქრილობა.

**იანგარი**—რუსეთის რევოლუციის დასაწყისი

**იუდა**—ჩვენი დროის გმირები.

**იმერეთი**—ცეცხლითა და მახვილით შემუსვრა.

**ინოდიონ**—ხან ეს არის, ხან ის არის, ხან იქ არის, ხან აქ არის.

**იკაი**—საწამლავი, რომლითაც 1907 წ. მოიწამლა რუსეთის ბიუროკრატია.

**იკლამი**—სამსახურიდან გადამდგარი მწერალი.

**იკბა**—უთაო ქმრების გასაყვლეფი მანქანა.

**იკგშირი**—მუშებში გავრცელებული საშიშარი ჭირი.

**იკკანი**—„ისარი“-ს კვერცხებზე დაჯდომა.

**იკკა**—უცნაური ხილი, რომლითაც რუსეთის ბიუროკრატია ცთილობს კადეტების მოტყუებას.

**იკლენდარი**—ფულის შესაძენი მანქანა.

**იკმათი**—წმინდა ქართულათ ნიშნავს ლანძღვა-გინებას.

**იკტორდა**—ახალშენი, სადაც საზოგადოების საუკეთესო ნაწილი ესახლება.

**იკვანტი**—ანარქისტული ხრიკი.  
(შემდეგი იქნება)

ს ღ ა ზ ა რ ი .

(რუსულიდან გადმოკეთებული)

როდესაც ღმერთმა ადამიანი გააჩინა, მყისვე მბრძანებელი მეფეც დაუნიშნა. ხალხის მართვა გამგეობის გასაადვილებლათ მეფეს ვეზირები მიუჩინა.

გადიოდა თვეები და წლები მეფე თავისი ვეზირებით განცხრომაში ატარებდნენ ცხოვრებას. ხალხი კი მორჩილებით და უდრტვინელათ ასრულებდა უზენაესის ბრძანებას: „გამრავლდით ქვეყნათ და ოფლითა თქვენითა მოიპოვეთ პური თქვენიო“.

ერთხელ ვეზირებმა მიმართეს მშვენიერ ედემში მოსეირნე ღმერთს და სთხოვეს: „უფალო სახიერო! შენ მოგვივლინე ჩვენ მმართველი მეფე, მაგრამ განა შეიძლება ჩვეულებრივი კაცის გულმა გაუძლოს ხალხის ტანჯვას? რომ მეფე იყოს სასტიკი მსაჯული და ხალხის კენესამ არ მოუღობოს გრძობიარე გული, საჭიროა მას სრულიად ამოვაცალოთ გულიო“.

უფალმა შეიწყნარა ვეზირების თხოვნა: მეფეს გული ამოაცალა და ნაცვლად ქვა ჩაუდო.

გავიდნენ კიდევ დრონი და ვეზირებმა კვალად მიმართეს უფალს.

„მეუფეო სახიერო! გმადლობთ ჩვენი პირველი თხოვნის დაკმაყოფილებისათვის და გთხოვთ ესეც აგვისრულო: მეფისათვის საჭირო არ არის არც თვალნი ხილვად და არც ყურნი სმენად, რათა არა ისმინოს კენესა ხალხისა და არა იხილოს გაჭირება მათი?“.

ღმერთმა ისმინა ვეზირთა ვედრება და მოუსპო მეფეს გრძობა სმენისა და მხედველობისა

გადიან წლები. ხალხი მრავლდება. ტანჯვა ემატება და ლამის უღალატოს ღვთის მცნებას: „მოთმინებითა შენითა მოიპოვე სული შენიო“.

„ყოვლად მოწყალე შემოქმედო! შენი მეოხებით ვართ ჩვენ ცოცხალნი და ბედნიერნი. შენ მოუსპე მეფეს სამი გრძობა და როგორღა ძალგვიძს ჩვენ დავემორჩილოთ მის ბრძანებას? მაშ ალასრულე ჩვენი უკანასკნელი თხოვნა და მოუსპე მას მოსაზრების უნარიც“.

ეს თხოვნაც აუსრულა უფალმა ვეზირებს და ამოუღო მეფეს თავიდან მცირედლა დარჩენილი ტვინი.

ამ დღიდან მეფე უხილავი შეიქნა ხალხისათვის. ვეზირები მას მალავდნენ და ხალხს არ აჩვენებდნენ. ხალხმა რამოდენიმეჯერ მოინდომა მეფის ნახვა და ბოლოს აისრულა დიდი ხნის წადილი, მაგრამ სათნო და ღმობიერი მეფის ნაცვლად მას დაუხვდა გულცივი და სასტიკი ადამიანი, რომელიც არ იცნობდა მას.

ხალხს გამოეღვიძა ის მიხვდა ვეზირთა მუხანათობას და მისი მუღმივი მტერი შეიქნა.

ადამი.

„შუამავლის“ ფოსტა

**ჭუთაისი. ხლესტაკოვს.** ხლესტაკოვი კი გაგვიგონია, მარა როგორც გვახსოვს გოგოლის ხლესტაკოვი ნახმარ მარკება არ აკრავდა წერილებს. დღეის შემდეგ თუ რაიმე საყურადღებო წერილი გამოგზავნით, ახალი მარკა დააკარით და თავიდან აგვაცილეთ 14 კაპეიკის გადახდა.

**ჰველა კორახსონდენბახს.** დაუბეჭდავ წერილებს რედაქცია არ ინახავს და ნუ მოითხოვთ. როცა წერილს გზავნით, აღნიშნეთ ჰონორარს თხოულობთ თუ არა, ან რამდენს. ადრესი აკრე დააწერეთ წერილებს: Типография „Труд“ для „Шуамавали“.

გ ა ნ ც ხ ა დ ე ბ ე ბ ი :

ვიღებ ძველ ოქროს ფულებს მემასედ ფასში, ე. ი. ძველ ოქროს მანეთიანში ვაძლევ ახალ სპილენძის კაპეიკს. ფული რაც მეტი იქნება, მით უკეთესია.

მსურველებმა უნდა მიმართონ სამტრედიაში სადგურის უფროსს.



რამდენიმე წელიწადი იქნება, რაც ჩემი გამოხატობის თვის ქალა თანდათან დაპატარავდა. უკანასკნელ ხანებში თავი ძალიან მიხურს. ხანდახან ისეთ მდგომარეობაში ვვარდები, რომ მხათ ვარ ყველაფერი სისაძაგლე ჩავიდინო: „პროვოკატობა, ჯაშუშობა და სხვა“. ექიმებმა ჩემ ამგვარ მდგომარეობას „სიგიჟე“ უწოდეს. გიჟები თვითონ არიან, მე ბრძენი ვარ. ეს კარგათ იცის ჩვენმა მკითხველმა საზოგადოებამ და მიცნობს, როგორც პროვოკატორ-ლიტერატორს. პირდაპირ დანოსების წერა და ჯაშუშობა, რომ დამეწყა ეს კარგი არ იქნებოდა, ეს ლიტერატურულ ეთიკის წინააღმდეგი იქნებოდა. ამიტომ მე შევეუდექი ლიტერატურული გზით პატარ-პატარა ბროშურების საშუალებით გავაცნო პოლიციელებს, რა გაზეთებს სცემენ ს.-დემოკრატები, რას აკეთებენ და სხვა? ერთ ჯგუფს მეტათ ჯავრი სჭირს ს.-დემოკრატების, ამიტომ ამ ჯგუფიდან გამონადენი სიმყარაღე სიბინძურე გადმოდის ჩემში ვითარცა ტრუბაში. მივმართავ ყველას, ვისაც ს.-დემოკრატები ეჯავრება (უმეტესათ „ოხრანნი ოტლეენნიეს“ აგენტებს, რადგან მათ ყველაზე მეტი ცნობები აქვთ ს.-დემოკრატების შესახებ) მოგვაწოდონ ყოველივე ცნობა, რათა ჩემი ბროშურის წყალობით ეცნობოს მთავრობას. გადაწყვეტილი მაქ, უკეთუ ჩემმა პროვოკატორულმა ლიტერატურამ გავლენა ვერ იქონია ს.-დემოკრატებზე, პირდაპირ ჯაშუშობა ვიკისრო და მთავრობის ოფიციალურ აგენტათ გამოვაცხადო თავი. მსურველთ შეუძლიათ მომმართონ შემდეგი ადრესით: ორშაბათიდან ოთხშაბათამდე სოლოლაკში, სულით ავათსყოფთა საავათსყოფოში, ოთხშაბათხუთშაბათს მიხაილოვის საავათსყოფოში, პარასკევს ფედერალისტთა საბუდარში, შაბათს კი არა მკალია, რადგან მთელი ღღე ილიკოსთან ვარ და მისგან გადმონადენ სიმყარაღეს ვწერ და შემდეგ ჩემათ ვასაღებ. კვირაობით კი პოლიციის ნაწილებში დავდივარ და ცნობებს ვაწვდი ს.-დემოკრატების შესახებ.

პატივისცემით პავლე აკობია.

**სპერმატინი.**

ვინც სიბერემ დააბრმავა დაუკარგა თვალის ჩინი, გაბაევის შესახვევში მოიკითხოს „სპერმატინი“.



მშვიდობით!

ვისაც ეწვის თავის ქალა, ვისაც უხურს თავში ტენი, გაბაევის შესახვევში მოიკითხოს „სპერმატინი“  
 ვისაც „ნერვი“ შელახვია და არ მოსდის დროზე ძილი, გაბაევის შესახვევში მოიკითხოს „სპერმატინი“.  
 ვისაც მადა დაჰკარგვია თანაც ენატრება ღინი, გაბაევის შესახვევში მოიკითხოს „სპერმატინი“.  
 „სპერმატინის“ უკურნავი არა რა არს ქვეყნად ჭირი მაგრამ როცა გამრთელდები გაგვარდება ჯიბის ძირი.

ყვირილაში — ა. გაჩეჩილაძესთან. რედაქცია სთხოვს აგენტებს, ყოველ კვირაში გაასწორონ ანგარიში.

ასლან ს. კალანდაძის

**ახლად მოწუობილი**

**ს ტ ა მ ბ ა**

იღებს ყოველგვარ სასტამბო საქმეებს. იქვე აქვს საკაზმაი (Переплетная) ქარხანა. ყველა საქმეებს ასრულებს სუფთათ, ჩქარა და ხელ მისაწდომ ფასებში.

ადრესი გაბაევის ვიწრო ქუჩა № 2 პირველ საპოლიციო ნაწილში.

რედაქტორ-გამომცემელი

ს. კეკელიძე.

ელექტრობეჭდავი

ამხანაგობა

**„შ რ ო მ ა“**

აცხადებს, რომ მან მიიღო გენერალ-გუბერნატორისაგან ნებ-რთვა **გაბაევის გაზეთი** და **ბროშურები**, რომელიც აკრძალული ჰქონდა. სტამბა წინანდებურათ შეუდგა მოქმედებას და მსურველთ შეუძლიათ მიმართონ ყოველნაირი მასალების დასაბეჭდათ. საქმეს ასრულებს სუფთად და სწრაფად დაკლებულ ფასებში.

- შურნალი „შუამავალი“ იხილება:**  
 ქუთაისში — ჟურნალ-გაზეთების კანტონა „იმერეთში“  
 ბათუმში — მიხ. კალანდაძესთან.  
 ფოთში — ლ. ტულუშთან  
 სამტრედიოში — ყ. კობალეიშვილთან.  
 გორში — არჩუაძესთან  
 ჭიათურაში — ვლ. მოსეშვილთან.  
 მიხაილოვში — ეგ. შარაძესთან.  
 ლანჩხუთში — შ. ცინცაძესთან.  
 სიღნაღში — უზუნაშვილთან  
 ჩოხატაურში — ნ. მეგრელიშვილთან.  
 ხიდისთავში — ნ. კალანდაძესთან  
 ოზურგეთში — ე. ლლონტთან.